

陳維新集

中



〔清〕陳維崧 著

陳振鵬 標點

李學穎 校補

陳維崧集



中

上海古籍出版社

湖海樓詩集卷三

戊申

燈屏歌爲周立五太史賦

周侯屏風高十尋，枝枝絳蠟如竹林。金盤陀結雙菡萏，玉瑣碎疊千璆琳。直裂冰腹色皎皎，亂磨去聲。雪甲寒森森。明白却令魑魅走，喧豸懼致蛟龍吟。其餘華燈悉錯落，襞績絲縷疑神鍼。高懸皦比潭上用_(二)，仄掛斜若天邊參。我時鯨吸復大叫，夜半礚礚驚栖禽。衆賓歡笑不可止，銀留梨椀東西斟。吾聞天子大神聖，官中自鼓雲門琴。太平玉燭仗公等，詎使壯盛徒抽簪。即今民氣大和樂，況值夜漏方深沉。雞豚春社大可賽，牛馬下走焉能任。角鷹盤空狐兔伏，蒲牢吼地驂騑瘖。燒完蠟燭不須睡，來朝日出還當心。

【校】

〔一〕用 疑當作「月」。

新正六日雪後同諸子集幾士兄齋頭即次兄韻

連日春寒未可任，山醅纔壓且須斟。梅開枝上掀新曆，燕入堂前感夙心。兄所居堂即余小時嬉戲地。街雪踏來狂詎減，夜烏啼處怨難禁。衰年兄弟頭都白，歡笑真當惜寸陰。

燈夕前四日諸同人宴集徐竹逸宅同限十四寒

又逢皓魄掛簷端，如此風光不醉難。燈火萬家杯底落，樓臺一片雪中寒。西京節物人將老，南詔烟花事已闌。爾憶踏歌諸士女，昆明池上月誰看。竹逸時自滇歸。

哭故友周文夏侍御五言古一百韻

余年十八九，猥性喜跳躍。出語每排異，作人鄙文弱。君時貴公子，交游重然諾。長余四五齡，矯矯雲中鶴。邑中壇墀盛，間日必飲釀。與君分兩廣，憑軾看犄角。偏師不相避，各自謂騰蹕。秋鷹側緊腦，下草真如削。一爲猛虎吟，詎肯受急縛。無何遭世變，烽火照城郭。倔強文士態，駑鈍經生學。而我同袍人，一半隱污濁。乃悔向時習，大足供喞噓。遂合文酒社，盡散從衡約。君時讀書室，爽塏新粉堊。中楹列卷帙，南榮蒔花藥。花時召故人，連日具杯杓。商量及醬醢^(一)，狼籍到脾臄。分曹鬪詩賦，促坐雜歌嘍。我詩常早成，吟聲振寥廓^(二)。匿稿懷袖間，故欲來君攫。移時乃出觀，抵掌一笑樂。君才更敏健，爽氣淬鋒鏑。諸藝無不爲，一往自磅礴。或起煎鼎鑪，或坐吹笙籥。或爲吳聲歌，點拍無差錯。或爲著色畫，濃淡具丘壑。或做顏柳帖，波畫悉斟酌。擔夫爭道勢，屋漏古釵脚。時亦爲投瓊，且從惡少博。一子未成盧，繞牀喝令著。皇天憎跌盪，末俗有贈繳。偕隱竟未能，君也釋芒屨。平輿躍二龍，青雲翔一鶚。錦繡日嶒嶸^(三)，赤棒何昭灼。猶憶癸巳春，鄙人益落魄。讐家肉視我，張吻誓咀嚼。適君晝錦

歸，切齒碎齟齬。挈我亡命游，俾我罕驚愕。吳山越水間，捽頭免人捉。一別成蒼茫，真如隔山岳。嗟嗟轉蓬士，流浪隨秋籜。乞食狎江淮，謀生拙耕鑿。水行妖蛟怒，陸行蝮蛇蠹。歲一歸里門，鋤田石硤硤。逢君休沐歸，駿馬黃金絡。前庭羅金張，別館接褒鄂。更有郭舍人，側足善諧謔。余每欲詣君，心口自籌度。十度過君門，九度成退却。長貧易感慨，失路增落寞。用致余節疎，詎云君誼薄。攬鏡鬢髮衰，出門車輪各。悠悠判雲泥，相見何能數。甲辰客蕪城，秋寺極寬綽。萍蹤復相聚，堅坐聽宵柝。拔劍斫虺肩，敲火製雞臠。憫我衣無綿，念我稼少穫。作書向長安，君爲余作合肥公書。交誼比花萼^{〔四〕}。蠶尾語嬋媛，蠅頭字端恪。北行雖未成，此札恒在握。節盡返衡廬，君又之京洛。歲月曾幾時，南來消息惡。耿蘭耗詎妄，東野信偏確。旅櫬泝長淮^{〔五〕}，天寒水方涸。廣野風刁騷，巨川雪礪确。嗚呼風流盡，萬事真零落。昔年讀書處，園亭大開拓。清冷奧突廊，參差甃甃幕。伎堂罷簫鼓^{〔六〕}，毬場散簾箔。雨澀倉琅鎖，苔蝕葳蕤鑰。主人竟不歸，高樓花漠漠。生乘鮑家驄，死羅翟門雀。家多桀黠奴，一一睨其橐。艱難絕胤嗣^{〔七〕}，支撐剩閨閣。生平所愛女，關河恨綿邈。音莫。隨夫滯京邸，憶耶罷梳掠。吁嗟一生事，細數堪約畧。昔在橋李城，同君啖餽飪。隕星大如箕^{〔八〕}，中夜萬感作。物理與君言，從古有蕭索。功名類芻狗，宇宙一糟粕。勇退古所期，急流恐難託。君看

五鼎烹，何如一丘貉。反覆陳苦詞，豁達無愧怍。君亦顧我語，知我莫子若。遲我二十年，乞身向主爵。青山斲茯苓，白首飯藜藿。蹉跎不相待，此語記猶昨。由來悲九命，垂老闕一著。今春放燈夕，君櫬來河朔。長江浪怒號，雨點大於雹。老屋勢欹斜〔九〕，壞牆色斑駁。維時值春霖，街泥驟瀉灑。賓朋誰束芻，故舊無沐槩。而我蹒跚來，袒哭露雙膊。持酒向靈牀，所惜無酬酢。文苑喪應徐，臺班失睿諤。作詩叙交情，所愧言詞朴。憑棺一汎瀾，深夜猶捫摸。

【校】

- 〔一〕醬醢 蔣本作「醬醢」。
- 〔二〕吟聲 蔣本作「歌聲」。
- 〔三〕錦繳 蔣本作「繡衣」。
- 〔四〕交誼 蔣本作「友誼」。
- 〔五〕旅櫬 蔣本作「放櫬」。
- 〔六〕罷 蔣本作「歇」。
- 〔七〕胤嗣 蔣本作「祚嗣」。
- 〔八〕如箕 蔣本作「如邸」。
- 〔九〕欹斜 蔣本作「欹邪」。

再搬寓示一二友人

離城二十里，地勢莽奔赴。其名曰毫村，我昔此間住。少保之所遺，木石大堅固。排闥青山來，繞宅春泉注。五畝築室廬，一丘共墳墓。既以長子孫，亦可相嫁娶。中堂極敞豁，後庭新粉堊。簾閣頗周匝，欄楹自迴互^(一)。燠館接涼軒，茶磴兼酒庫。堂前兩喬木，樛枝礙衢路^(二)。峭蒨老梅根，皴裂怪松樹。吁嗟人事變^(三)，盛衰若朝露。一朝風俗異，白日遍霾霧。子弟喜剽掠，臧獲半嘯聚。其人游閑極，白手無所作。音做呼盧飲食聲，噂嚶若風雨。又有族長者，託名急租賦。毀拆遍房舍，爪牙仗屠酷。誓作精衛銜，詎屑頭目護。屋瓦白日飛，一一生毛羽。橫流不得安，憂來鮮早暮。因之每自反，致此定有故。夙昔少猜嫌，祇緣讀書怒。不如舍此去，或用免抵牾^(四)。昨秋假編築，頗亦協野趣。城中諸故人，間日必相晤。竹木既幽映，巖岫何嬌嫗^(五)。稍稍滌煩襟，時時託幽步。無何主人至，客屐不遑駐。躑躅向陌頭，屏當到家具。倉皇揖駟僮^(六)，曲折詢翁嫗。側聞西城西，老屋半僵仆。茅茨畧堪葺，門內兼有圃^(七)。天晴好鋤瓜，秋煖宜栽芋。門前剩荒陂，鵝鴨亦可數。便擬刪冗雜，時復防噉吐。灑埽絕蝸

涎，搔爬治桂蠹。庶幾離市囂，聊用展獨寤。知己來咎予，此錯鐵難鑄。舍旁多老兵，連雞使人怖。慄悍黑稍公，飄疾黃皮袴。捶甕酒滿溝，無事夜驚呼。近此篋易舐，子奚作事誤。邇時屋價賤，錙銖詎難措。矧子盛交游，緩急或可訴。何來牛馬皂，乃作鸞凰笈〔八〕。長跼謝客言，吾生死章句。性拙鄙借貸，肉瘦畏傭雇。與使甲吾顏〔九〕，毋寧保吾素。獨是聞高軒，紛紛欲相顧。壺觴倘在門，念之益驚懼。室中乏四壁，何以延雙屨。作詩示故人，幸爲鑒情愫。我今詎移居，艱難再搬寓。

【校】

- 〔一〕 欄檻 蔣本作「欄檻」。
- 〔二〕 衢路 蔣本作「衢路」。
- 〔三〕 吁嗟 蔣本作「嗟吁」。
- 〔四〕 或用 蔣本作「歲月」。
- 〔五〕 嬌娉 蔣本作「嬌娉」。
- 〔六〕 駟僮 蔣本作「但僮」。
- 〔七〕 有圃 蔣本作「蔬圃」。
- 〔八〕 笈 蔣本作「叟」。
- 〔九〕 甲 蔣本作「申」。

贈徐竹逸納姬絕句五首(二)

個儂粧閣近紅椒，小倚身材鬪柳條。一事更須驕女伴，上頭五日即花朝。時二月初八。

其二

知書侍女雅堪矜，麗殿紅箋手自騰。偏賞玉臺新序好，知郎才調本徐陵。

其三

綠窗妮嬾縮雙鬟，珍重人從萬里還。怪底玉郎描黛影，一痕絕似點蒼山。竹逸歸自

滇南。

其四

小閣寒梅撚折枝，朝來預卜定情期。狂朋昨夜逢人說，親見玄霜搗藥時。（二）幾士兄云：竹老納姬前一日，適見其閉門製藥，故詩以調之。

其五

靜掩紅閨漱玉醪，綵堦草色似青袍。小姬採得宜男種，相映堂前阿母桃。（三）竹逸太夫人在堂。

【校】

〔一〕蔣本無「其二」、「其三」等題。

〔二〕〔三〕蔣本無詩末小注。

短歌酬周聖濤兼呈立五先生〔二〕

〔一〕 多年冷屋質不得〔二〕，泥濘連朝衢巷塞〔三〕。且往城北暮城南，老大牽人脚無力。周
子貽我一束詩，張燈曛黑疾讀之〔四〕。惜我遲暮憐我窮，其中情緒如春絲。我今萬感無
不有，姓名那足污君口〔五〕。嗚人芻秣供人驅，我今不如轅下駒。儻人門戶與人見，我
今不如梁上燕。我在泥塗莫歎嗟〔六〕，人生知己良堪誇。感君父子與我好，醉即尋君同
看花。

【校】

〔一〕 題 蔣本無「周」字。

〔二〕 冷屋 原作「冷屋」，據蔣本改。

〔三〕 衢巷 蔣本作「衝巷」。

〔四〕 疾讀 蔣本作「夕讀」。

〔五〕 那足 蔣本作「那得」。

〔六〕 歎嗟 蔣本作「咨嗟」。

吳五表弟晉侯自滇南扶鷺山姑丈旅櫬歸里悲喜交集長歌賦贈并謝張
忍齋徐竹逸張履吉張青弁陳淇瞻數公

燭花空湧搖光芒，叩門忽卸遠客裝。乍見頗訝語音異，久坐益覺鬚眉蒼。兩脚只
露蒺藜刺，遍體尚餘刀箭瘡。倉皇哭泣目盡腫，急遽跪拜頭爲搶。嗟乎此是我表弟，半
生契濶成參商。爾之先人我姑丈，廿年流落離家鄉。浪仙垂老客六詔，太白無家居夜
郎。已悲猿叫繞滇樹，詎料鶴化歸吳檣。吾聞此行大不易，道路梗塞多危岡。雞公背
滑類左擔，老君關黑如驟綱。早行惡木管霧濕，夜過絕棧春泥妨。南飛一鳥不得過，乃
以餒肉投虎狼。此地連年況格鬪，連營擊鼓盤雲長。穿州恐被老兵禁，繞寨或受諸僮
創。何由歸櫬自天末，致此定賴神扶將。答言種種說不盡，痛定拭淚難爲詳。即如前
月泊楚岸，大風暴雨來砰礮。洞庭湖拔一千里，淚與湖水相低昂。舟師墮水檣舵折，天
吳劈海妖蛟翔。同舟號泣咎凶具，欲投此物祓不祥。天風人命爭頃刻，豈易今日升君
堂。言罷鄙人復長拜，欽汝孝行踰尋常。養生送死理一致，東吳何必誇黃香。吳門黃孝
子亦自雲南奉兩尊人歸。矧汝至性尤矯激，族兄骨亦歸北邙。癸未進士吳貞毓客死滇南，晉侯亦挈

其骨歸。黃泉骨肉共歡笑，青史姓字增輝光。因之轉念汝臨發，跋涉萬里誰齎糧。作詩永勒數公誼，并寫一幅呈徐竹逸。張。忍齋。

贈任王谷三首(一)時年五十。

烈士日躋躋，君子恒兢兢。古之征邁者，學與時運增。衛武古聖人，耄猶凜寢興(二)。蘧瑗賢大夫，知非昔所稱。矧茲風波民，能不懷淵冰。我兄戰勝肥，道義填胸膺。挺身欲有爲(三)，去聲。斂氣無所憑。獨善以樂天，肅然古閔曾。

其二

西遊灌嬰城，北出繁臺道。一結丘中廬，壯遊跡如掃(四)。閉門讀我書，時亦穫我稻。田家八九月，滌場風日好。勤力賴彊以，有年仗蒼昊。椎牛大祭賽，蒸豚侑祖考。餽餘燕諸父，亦復逮庶老。我聞先民言，仁親以爲寶。

其三

昨一到君門，溪風吹笳竿。溝塍叢密篠，門巷環層湖。相逢少機械，淳悶同黃虞。鄙性謀野獲，於此一躊躇。我家在亳村，夏屋空渠渠。有田不得鋤〔五〕，反僦闌闌居。此意君所憐，知我者誰歟？壯年慕柔翰，湛沒成庸愚。何當學沮溺，耦耕以相於。

【校】

〔一〕 蔣本無題下小注。

〔二〕 耄猶 蔣本作「老年」。

〔三〕 蔣本無句末小注。

〔四〕 壯遊 蔣本作「北游」。

〔五〕 不得 蔣本作「不復」。

正月晦日同徐竹逸任青際幼瞻過心石上人留溪堂看梅用七虞韻

拂曉出郭遊，青山正堪數。野寺墟烟積，春塘亂流聚。溪風響漁舍，僧語雜粥鼓。霧屨穿竹林，明滅辨茶塢。同行二三子，參差歷紺宇。阿師竺法深，微義妙領取。留客具茶瓜，悠然拂松塵。中庭一老樹，偃蹇枝柯古。牆低禿幹出，逕缺巨石補。坐久齋磬深，江梅落如雨。

題沈啟南松竹梅圖爲曹蓋臣六十壽

堂上老松狀殊怪，蒼皮翠鬣形狡獪。疎梅疑是和靖種，瘦竹亦是湖州派。畫之者誰沈啟南，寫此掛向山中庵。幀首作詩以自壽，此意澹蕩誰能參。先生六十健無比，粉壁亦懸此幀子。自笑盤中惟苜蓿，共說門下皆桃李。我知先生真丈夫，盛年詎肯甘菹蘆。好將曹霸丹青手，重畫凌空天馬圖。

史遽庵先生招飲賦贈

蜀岡斜抱揚州郭，葛相祠堂亦此中。古瓦旌旗殷北斗，亂碑杉柏拂西風。江頭愛弟飄零老，社日遺民祭賽同。今日一樽還把袂，傷心春色雨濛濛。

哭史懷永

名詒，遽庵先生冢子，己亥秋自豫章歸，遇盜投水。

彭蠡迴帆日，驚濤颯未收。似聞多剽劫，誰與止筇篲。咄咄傷青史，淒淒到白頭。貞魂應合併，問道抵長溝。長溝爲甲申年懷永母夫人暨婦蕭氏殉節地。

其二

宋末文丞相，揚州有斷碑。至今留令弟，垂老失佳兒。薄俗文章賤，高門道路悲。此賢關不細，羣盜爾何知。